

عبد راضى الشامى

شذرات شعبية عراقية أشعار

صدرت الطبعة الأولى فى ديسمبر 2018



شذرات شعبية عراقية (أشعار)

بطاقة الكتاب

عنوان المؤلف : شذرات شعبية عراقية
المؤلف : عبد راضى الشامى
التصنيف : أشعار
رقم الإيداع : 2018 - 22418
عدد الصفحات : 156 صفحة
رقم الإصدار الداخلي : 280
تاريخ الإصدار الداخلي: ديسمبر 2018 (الطبعة الأولى)

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رفعة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

alnilwaalfourat@gmail.com alnilwaalfourat

المقر الرئيسي: ق.م.ع. محافظة الشرقية - العاشر من رمضان - مجاورة 13 - امام سنتر الـ 13 - عقار 304

إهداء

إلى احبتي عشاق المفردة الشعبية العراقية إلى من
تهتز مشاعرهم وأحاسيسهم لجمال المفردة المعبرة
عن حالاتهم الإنسانية والوجدانية الترفه

أهدي مجموعتي الشعرية الثانية

شذرات شعبية عراقية

عبد راضى الشامى

المقدمة

أحبتني أصدقاؤني متابعيني الأعزاء أضع الآن بين أيديكم إصداري الثاني بعد أن تم الإصدار الأول بعنوان (سفر ومحطات) وهذا هو إصداري الثاني الذي يحمل عنوان (شذرات شعبية عراقية)

وأنا إرتأيت أن أضع به ثلاثة ألوان من ألوان الأدب الشعبي العراقي وهي القصيدة والأبوزية والدارمي ، لكي لا يكون هناك ملل أثناء القراءة بلون واحد فقط ، وهناك تناغم موسيقي شعري جميل بين الأبوزية والدارمي حيث درج بعض الشعراء الشعبيين العراقيين - ومنهم أنا - إلى أن يقفل الأبوزية بالدارمي إكمالا للمعنى الموضوعي الذي يكمله الدارمي مع الأبوزية أو إضافة دارمي قبل أو بعد بيت الأبوزية

ولم أنس الوطن الحبيب حيث بدأت ديواني بثلاث قصائد تتغنى بحب الوطن ونبذ الخلافات الطائفية

والعرقية والدعوة إلى التوحد والتلاحم بين أبناء
الوطن الواحد والعيش بسلام

هذا وأرجو أن تنال هذه المجموعة الجديدة
رضاكم أحبتي مع جل احترامي لكم ولأذواقكم السليمة
و السلام عليكم ورحمة الله وبركاته

أخوكم // عبد راضي الشامي

للوطن

-1-

يا وطن

مبروك عامك

كل سنه وعامك سعيد

كل سنه وتبقى انتہ صامد

باقي عزمك كالحديد

يا عراق الخير

يا ابو الطيبات

وحدتك احنه نريد

ايد وحده

وگلب واحد
نفس دمنه بالوريد
مانريد التفرقه
وشت الصفوف
وللاجانب نبقي
خدام وعبيد
احنه اهل ذيچ الحضاره
احنه احفاد النبي
ودينه المجيد
ماتفرقنه الاجندات الخبيثه
تريد بينه التفرقه
وترجى المزيد

خل نخط الوطن
ع الغصه كطره
وشرف يبقى
ورايه مرفوعه ونشيد
احنه صح الوان بينه
احنه صح اطياف بينه
بس اذا نمتزج بالحب
لون واحد يطلع
وزاهي وجديد
لون طيبة كاعنه
ولون الحضاره
ولون تاريخه التليد

لون دجله والفرات

ولون بستان النخيل

شيلة امي

اعغال ابوي

لون دلتنه

التفور اكل مضيف

والجبال

ولون نرجسها الجميل

لون الالهوار الجميله

هاذي كلها بلون واحد

اسمه العراق الاصيل

-2-

يگلبي اشبيك

ماشایف شخص مثله

ترید اتطیر

مني ابسرعه توصلله

يگلبي اشبيك واشدعوه

بعد عوزك تحب رجله

صح بي ريحة اهلك

خبزه التنور

وبي عطر النخل

والماي والدهله

بي ذكرى الطفولة
وحبنة واحنه ازغار
من جان الفرات
ايحب نهر دجله
يگلبي اتغير المحبوب
من دار الوخت
غير اكلوب اهله
چنه ابگلب واحد
وابفرد شريان
چنه ابیت واحد
والعیال الوان
بس انحب بعضنه

ولوننه انهمله
ليش اتفرقينه
وبينه شنهي الصار
بس يضعف اخونه
اسيوفنه اتكتله
وسفه البيت ذاك الجان
بيت الطيب
زمانه ايدور
والشيطان يدخله
اجر حسره
اهل دمه
انوح انياحة الثكله

واصبحن ياعراق الخير

يا ابو الطيب

ليش اشغير اهلك

تصرخ النخله

بستان النخل

والبرحي والجمار

وانواع الطيور

العائشه ابطله

لا بيت الحبايب

يبقى ذاك البيت

ويظل عالي المضيف

وعامره الدله

واحنه انظر اهل
نفس النبض والروح
واليخون الوطن
ننفيه وانذله
ننفييييه وانذله

- 3 -

يهل الدار

اشبدل حبكم

شهي الصار

اشبيها الديره

سوده امدخنه

وشبت نار

والدم ينزف

كالانهار

والناس ابلا ذنب اتموت

اكبار از غار

ابكل ولايه

وبكل دار
ابغداد
وبالانبار
بديالى وابذيقار
عمار ه وكوت
وحتى البصره
وبالعشار
والدم يجري
ليل انهار
يهل البرحي والغنطار
يهل الفاله والمكوار
موطنكم مجروح وينزف

شنهى الصار
ترضون الموطن يتقسم
هل ترضون بذله وعار؟؟
خل انشد

ساعد وي ساعد
وانواجه كل الاشرار
خل انشد جروح الموطن
خل نبني

ونبدي الاعمار
احنه اهل الحب
واهل الغيره
واحنه اهل الفن

والاشعار

خل نرفع بیرغ موطنه

وخل نتسامح

مہما صار

والامن ايعم

كل الديره

والحبّ منه

ایصیر اشعار

الحب انه يصير شعاعا

الحب

1 - عشق هيله

عشق هيله

عشق بت الطوايف ذيچ

وگلبها اعله التحبه

شفج واحنين

وعشق هيله

عشق مدفون

وي الروح
حتى ابنكلة الجدمين
هيله عاشكه اتبين
هيله امن الصبح
تغيش ال ترس الماي
بلجي ويه الشباب
وليفها اييين
وتسولف شوگها
هيله للحديثات
تسولف والبنات
ابمستحه ايضحكن
يوميه ال سعد

تنخه الصبح والليل
واتگل للبنات
اشمالچن انخن
اریدن سعد ینجح کون
اهو الاول
ویجیب الشهاده
ابساعده الایمن

سعد

حب هيله حب مجنون

كل اعروگ دمه

ابشوگها اينبضن

سعد

هيله كتابه

ودفتره وقلمه

وهيله

ذکرياتہ

البگلث ثبتن

سعد

بالجامعة ابغداد

خمس اسنين

بنات الجامعة

ما گذرن ايأثرن

سعد

شاف الزواگه

وشاف موديلات

وبنات الجامعة

يوميه زي لبسن

لچن حب هيله

ظل اویاه
ظل ناموس
اله ایصحیه من ینجن

سعد لمن رجع
صوت الهالاهل صاح
وچیات الفرخ
فوگ السلف زرگن

وسعد وده ابوه

واشیوخ
اله ایخطبون

هيله والبنات
ابفرحته ايرگصن

هيله الفرخ مالمها
وتريد اتطير
عضد برين
يشبه طولها والين

واتگل للبنات
هوايه تعبات
اعوضچن تعبچن
لمن اتعرسن

-2-

ذكريات العيد

اذكرت عمر الطفوله

وجان عمري از غير

عمري ثلث طعش

وسنيني عبرنه

اشكتر افرح چنت

لمن يجيني العيد

گيل اسبوع

ثوب العيد احضرنه

چنت حدر المخده
حاط ثوب العيد
وچف ايدي الزغيره
امخضب ابحنه
واحسب بالثواني
الصبح يمته ايصير
وثوبي امن الصبح
اغبش والبسنه
واعيد امي وابوي
وكلهم اخواني
ودينار امن ابوي
ابجيبي احطنه

فرحتي اشكد جبيره

وما يلماها الكون

چن اجناح عندي

وطرت بالجنه

اروحن للحديقه

البيها مرجوحات

يهز بيه صديقي

وآنه اهزنه

واحس ويه الحب

كلمي ابفرحته ايطير

ويهبط وي حبها

اگليبي احسنه

واشوف عيون سلمه

اتصدلي من ابعد

سهم اشواگهن

بالگلب غرزنه

من ذاك الوقت

والحب نبض بالروح

وكل اعضاي

وي الدم ينبضنه

العشگ وانه زغير

اشواگه حرگني

ونمه اويه الروح

حب سلامه احسنه

أكبرت سلمه
وحسنها امجل
ال احديثات
ووجهها من الغمر
نور ويوصفه
وكبرت والدليل
ابحبهل ظل مفتون
عنها الطير اذا
مر بيه انشدنه

تقاليد العشائر
چان ظلم وجور
اليعشگ موش ابنه
ونبتری منه
واذا بتهم تحب
تجلب لهلها العار
ابوها ایصیح
عارج کون اغسلنه
رغم هذا الظلم
بس حبنه چان الطیر
قوة شوکنه
والوفه ایغذنه

بس چان ابخطر
ظلم العشيره ايعيش
واسيوف الظلم
يردن يذبحنه

ولمن رحت اخطبتها
وصارت القسمه
تهلhel صوت امي
ابأذني اسمعنه

وچنت ناذر نذر
لو سلمه اليه اتصير

اجيب امليس
وبالربعه اظنه

الأبوذيات

دليلي اشما فرغ -- بهوم نمله

ولا طببگ جفن و ابليل نمله

يعابي الله الحچاله وعلي نمله

وجفاني وخط مرض چتال بيه

مرضني حيل اجفاك سل آنه سليت

كاغد وذبني ابنار وارماده ظليت

شفتها وعيد اجه لمن شفتها

احبك وابهمس نطقت شفتها

تدرون اشحرگ روعي؟ شفتها

الي واتفرغصت من بين ادييه

تفرغصت // اخذت بالغصب

انا گلبي صبح ----- للظيم ترعاه
وزرع يابس دواب الكون ترعاه
اردين كون --- عين الله ترعاه
ويبدل الحال باحسن حال اليه

زنجيل ابو ذيه

ضعنك - سار بالبيده - وهاماي
وبتت واصبحت بالامي وهاماي
اگولن ها سراب انتة وها ماي
اشوكت تصبح حقيقه اببين اديه

شوكت تصبح حقيقه انتہ والمساك
واشوفك -- من صباحيتك - ولمساك
لصوم اسنين --- انا الجيتك ولمساك
واعيد -- من يهل -- شخصك - عليه

اعيد -- وافرح والبس - ثوابي
واذا مريتني --- تكسب-- ثوابي
افراگك ---- للكبر لسود ثوى باي
تعال --- وعيد فاتحتك -- عليه

حبيبي شال ضغنه وحده وحده
وبگه گلبي يعاني وحده وحده
على كيفك يوكتي وحده وحده
المصايب لا تصبهن. - صب عليه

اشترید احزاني تبجيك شمع ناي
وانا ابلياك -- بالدنيه ش معنای
فاحت ريحة احزاني شم اعنای
النایم بالگبر جر اوووف الييه

حليبة شوك. -- جنبه شنها شنها

الوكت واعلي- حروبه شنها شنها

بعد ش آمر - عليهم - شنها شنها

اذا اتمررد زماني-- - وگوه اعلييه

تهت محد- يعالم ليش سل فاي

ابغرامج يل دلالج حرگ سلفاي

تعالی وخلي ناخذ صور سلفاي

امشابگ يالوصالج شح عليه

يدمعي المن اضمك بعد وفريك

(اوفرک)

وانا الاصفك الراح ابراح وافريك

يوجهي المن بعد اطيك وافريك

اذا خوتي صفو شمات اليبيبية

المن اوفرک - سيل. يادمعي انهار

اعليه اخوي انوب ويه الغرب صار

یاما انڈھل -- عقلی یاما تاہا

ويادرب -- الاسلحه - يا متا هاه

اشوكت احضه ابوصالك يا متى هاه؟

لما اتراب النجف فيها الاااااااا ال اليه؟

الناس ابرهده توگع وانا ديه

وحرکت ابونتی الیاس ونادیه

طحت ياخوي اصيحنله واناديه

طیحتهم یگلی۔۔۔۔۔ انہ اشعلیہ

تعالن - يا بنات - الحي- تعالن
عليجن حبييل حسراتي تعالن
اذا ما تگربن يمي (تعيلن) تعالن
ابدليلي وراح يفلت من ادبيبييه

كضيت العمر اسگي هروش وادلي
اوده وما اضنه صدگ ود لي
ابرساله ماذكرني ويوم ود لي
ولا نشدة غرب -- ينشد عليه
خلصت ليل اشتاي احفر

واهد ماي
كل هذا ماضن يوم كلبك
صفه وياي

اشربت من ماي بيرى وبیه بزیت
وامگابل ال موگ --- العین بزیت
بعینک ما یجی المحموس بالزیت
وملح العیش -- ما غزر -- اشویه

انا الشفاف مثل الماي ----- والجام
واسد حلك اليمسني ابسوء والجام
مهرة ومايكضها ----- اعنان والجام
القصيده - اتهد ع العيلون - بيبويه

صدوده بيه - ما ادري ش يعناي
اعاني ومايهم كلبه.- شي اعناي
كتلني واجه ويه الوادم شيعناي
و وكف صله - صلاة الميت بيه

ابيقضته ماهو - متهني لابكره
جفني وساهر --- ابليله ل بكره
صرت جن خيط ويلفني لبكره
انگطع لا جن عناده ايلوت بيه

اشمالك يالكطعت الوصل ماييت
وعليك الروح موي البحر ماييت
علي لظمو هلي ايگولون ماييت
عدل- بس من غبت هج صار بيه

اطفي ابهاي وكتي راح وي هاي
نارين ولهبن ---- حرگ ويهاي
اعله ظيمي ايشيب المفطوم وايهاي
اعله ويها ويلطم اعله الصار بيه

يامن كالبدر يضوي ويه لاك
اليشوفك ينمرد گلبيه ويهلاک
گوامه اتگاومو اهلي وي اهلاک
وفصل مليون ويزفوك الييه

نص عگرب زماني وياي نص حاي
لدغني وصرت نص مشلول نص حاي
انصحتني الناس بس ما خذت نصحاي
بقيت ابطيبيتي -- ونفسي - الابه

شنو شربك- ولك گلي- وش اكلاك
حبيبي وهيچ صك جسمك وشكلاك
اظن عندك - وراثة انتة- واشك لاك
نسب للهور -وال يوسف- سجيبييه

بعد چفي اعله-- راسه ما يحس به
لانه احساس- روي -- ما يحس به
انا الداوي امن اشوفه ماي احس به
امن احضنه ايبخ-- چوانيني السريه
-*****-

طبع ع العظيم شو وكتي طبعناي
وعلى الحرمان والحاجه طبعناي
لذلك بالطبع ---- صاير طبع ناي
من اسولف للحرز بحات بيبه

عليه الغلب ااه ايصيح يرد ااح
ومثل ونته الييرها- ابد ير- دوح
جرحني وگام فوگ الجرح يرداح
خسيس واظن راضع كاوليبيبييه

يما عنكم حچولي ياما عنه
حچو واحنه المحبه يامعه الننا
ايا -- گلبي يخايب -- يا معنى
اشكتر منك شفت ظيم واذايه
اوياهم ابد مافاد طيبي ووفائي
راح اشلع الدلال واخلص نهائي

تعبت امن الحساب اعليك والعيد
وشيرجع- - العمر الفات والعيد
كلت بلكت -- يمر بالعيد والعيد
مر -- وماشفت -- يفلان جيبه

مدري منين---- اليه -القهر لفاه
زمانى وكمت -- اجر الاله- لفاه
اليعوف اهواه -- كون الكبر لفاه
والف نعله اعله روح اسلاف ابيه

تعال وشوف الي دنيائي شيبات
شي زنجر ابنص الروح شي بات
شباب انترس شعري اعليك شيبات
واحس عمري وصل بجفاك مبيه

ردت ايليه هم ---- الغلب ماييل
لان حظي وزماني وياي -- ماييل
گمت ابجي لحد مانشف ماي ال
نواظر وانعميت ---- اشلون بيه

حبك بالغلب ساكن وله باه
وطن وامن الزغر گلبی وله باه
تجازینی ابجره هجره وله باه
وبدل الوفه اتشبه نیران بیه

الغلب حباك وانتہ ازغير واب لاک
وبدونك ما اطيع العیش وابلاك
وعلي ان ماجيتني اتعنك وابلاك
واجمع اهلك واكلهم خان بییییه

يظهرك ماتعرفه گمت -- يضحاك

لان ولفك يريد ايروح -- يضحاك

انا المحزن واهو ابسنين يضحاك

اشتأمل يكلبي ايعود اليبيبويه؟

لون ساده تدز واشيوخ مرضاي

لان منك سقامي وسبب مرضاي

ظلام وبس غرامك بيه مر ضاي

حياتي وجاي تطفى النور اليبيبويه

گلوله اخوي العاف لبن امي ونام

كلش صفن وياي غبرات الايام

جروح الكلب كثرت - من يرفها
وحزينه الروح عكبك من يرفها
المحبه احنه غرفه. - من يرفها
طلع مالح --- ولا بيه فود - ميه

اسهر واخيط بيه جرح الجرحته
وانتم ولا فد يوم بالوصل رفته

انا الياحد اخيط اجروح والظيم
خيوط وما يفيد الروف والظيم
زغير اشجابني اعله القهر والظيم
يوكتي ارجوك فدوه انصف شويه

انا نهر المحبه ال مايه --- وافي

اشعجب ليش الاحبه ما يوافي

شجره ونهر انه --- ماي وي في

صرتله وصار -- حر تموز اليبيه

حرگني الحب دعاني خفت وارماد

وشوفي انعمه من الدمعات وارماد

عليك وانتہ درت الوجه وره ما

دری الشامت واجاني ايلوم بيه

الوقت من سيء- الاسوأ يجرناي
ومنهو - اللي على -تعبى يجرناي
انا ابزني صرت راعي يجرناي
الرعاة - ال بالغنم -- صفنو عليه

عليه احبابي ابد ما يوم حنوش
واجوني وبالجفوف الباب حنوش
العنبهم ياكلب يايوم --- حنوش
حله وبعدن عناكيده - اعله اديه

افكارى بيك مدري وين سرحان
وشفت كشف اللي جان وياك سر حان
جنت كلش وديع اشبيك سرحان
صرت -- واتريد -تغدرني ابثنيه

دليلي شوف وجهك حيل عن باه
واغياك حبيبي -- اشكر عنباه
عنكودك -- عليه ابتعد --- عنباه
عالي وابد متلوحوش ادييييه

ملاحظه

1- عن باه / اشتاق

2- عن باه/من الغناء

3- عنباه/ الغنب

ابد مانار --- مشتعله --- كناراي

خفيه ولا ترى --- الوادم كناراي

يهل بطران -- واتربي -- كناراي

مرض موزين وك ربيت بيبيه

يحادي العيس راح اتروح- لاوين
الخذتهم بالكلب. - بتين -- لاوين
بعد مابي بواجي وقهر -- لاوين
الجسم ظل انحيل حافظته الهدوم
يالاحادي اتردون؟ لو فرگته اتدوم؟

***** _

برّه اتبات -- روعي ----- الا برّه
ولا بر -- ال يلماها-- --- -- الا برّه
بر - بالناس -- ماكو --- -- الا برّه
الهي ايجيلي المبعد -- علييه

احط اهموم انا ابرحاي والهاي
وبالحسرات اسلي الروح والهاي
ادير الوجه لاهل البيت والهاي
ابرَحْمَتُهُ ايشيل كل همي عليه

هجرني ابلا ذنب ولفي وعابان
نحلت ولانن اعضامي- وعابان
لان كلبى ترف كلش - وعابان
طيب ذات هيچ -ايصير بيبه

يعني اشلون -- مانرتاح وانهيد ؟
امن ابو صدر العبالك جبل وانهيد
طيري ومن شجرتي طار وانهيد
واهو ال من بيضته محجوز اليه

يطگ بيه الدهر شو گام ويهين
احس ناره ابدليلي وجرت ويهين
مثل سيف ويگص بحشاي ويهين
كتلني وما بگت جن روح بيه

انا الظلّيت - ايورن لجن يوريش
امسودن واليراني علي - يوريش
ماضل. ابجناحي - عظم يو ريش
الحيمي ونسر هجره ايحود بيه

أشركك لمن ماتعب باطي
يل ابوصلك عليه دوم باطي
اريد وياك العب شاطي باطي
واخليك اشكتر تندم عليه

امطر وابغيم محرب علي وي عاي
وكتي وخط شلل بعضاي وي عاي
ويعني وما شكيت ال بشر ويعاي
بس ل الله. --- اشتكيه -- الصار بيه

يما- امطر من يمر ذكرك يما ارعيد
وخنجر بعدك اكلبي يمرعيد
اذا يوصل خبر منك يمر عيد
الفطر وامسح حزن فركاك بيه

اشببها العطف هالوادم گل ابها
ولا ینکسر -- ع الطایح -- گلها
عسی الباری -- لها الدنیه -- گلها
اعله روس الگبعو ابثوب الردیه

اشکثر احباب بگلیبچ درجتي
وانه بیا رقم صارت درجتي
امن اول جدم بالمشه درجتي
ولحد هسه غرامج ظال بیه

هواك ابراس دلالي درجته
ولا واحد گدر يوصل درجته
باول جدم بالمشه درجته
نبض گلبى. بهواك وهاي هيه

العمر -والفرح -والونسه- جزوني
وكجز- الضان-- احبابى - جزوني
الربو بحضاني وعاشو- جازوني
ابهجر-- وادموع-- وابونه خفيه

جروحي ال بالكلب يو الف ي الفين
ومدري امنين الي النكبات يلفين
اعله ساعه ولنهن الحسرات يلفين
روحي ابجفن -- ويغربون بيبينه

يوكتي ليش الي بالظيم تسعه
وجرحي اشما زغر بيديك تسعه
امشي من الائمه اعليك تسعه 9
لجلهم - ترحم -- ابحالي - اشويه

اليراها بسكم روعي لا يگلها
شجاج ويدري همها لا يگ الها
اذا طاحت - احمولي لا يگلها
اخوي. وردت الله ايعين الييه
من طحت صاحو حيل خواني وعداي
صحت الله واهل البيت وكفو سوه ويائي

ضعنك - سار بالبيده وهاماي
وبتت واصبحت بالامي وهاماي
اگولن - ها سراب انتة وها ماي
اشوكت تصبح حقيقه اببين اديه

يلاهي فوگ كل الكون-- قدراك
ابعطف انظر الحيلي شلون قدراك
بحق رمضان ربي وليل قدراك
همومي ال بالقلب تجليها اليه

يبعد وجوه - ربي ويهك احله
اشوكت گلي ابوصالك ويهي احله
اليبشرني اكله -- وي هاك احله
بوسه ابجيتك --- واطي هديه

انتہ الی ہواک الکلب والرام
وجرحی التہب من فرکاک ورام
مسحت اسمک من الجوال والرام
وبعد ارجوک ----- لالتصل بیه

مثل رج اللبن دھری یرجلای
وبعد ما بیه اشیلنج - یرجلای
الجان افزعلہ بالشده یرجلای
اکلہ اکطع -- رجاک ونوح الیہ

الوقت ويأي عاند لن يجي افراح
ودمع العين يسحب لن يجف راح
لب غلبي وعزيزي للنجف راح
احفرت كبره ودفنته ابذني اديه

تمر بيه -- بعد - يفلان -- يو لاه
الكلب منكر وملج الموت يو لاه
بين اهلي تصير -- وهلك - يولاه
قضية قتل وايطلبون ديبويه

سج المطر دمعى اعليج ينساچ
ولا اتضنين-- ساعه الغلب ينساچ
دايخ-- ما اعرفه -- امنين ينساچ
فتاة - ابغدر ذيب -- ابطبع حيه

جنت الصبح تاكل والضحى اكلي
لجنه عوز وكتي وضحك لي
السن الحمد بيه والضحكي
اسف ثاري ابطبع وانياب حيه

حبيبي اللي عشقته والرميته
وعليه وجهت سهمي والرميته
ابكثر مابوس -- خده ورميته
دفعني وگالي اشسويت بيه

شيصبر الغلب - يفلان - لي ران
جرس ذكراك والدمعات ل ايران
وحك الرضا - ال نتعناه ل ايران
يفرح من - يمر طرواك - بيبه

جفوفك كلن زادي والحسن بيه
ووصه الله احترامه والحسن بيه
نكرته وگلبي صارت والحسن بيه
حسره امن اجرها اعليك تحرك سما وماي
ريت الله لاينطيك يالناكر ارباي

مثل ود قيس ليلي ودي الها
وشعر واشكد رسائل ودي الها
ودي اتصير اليه - وودي الها
احط گلبي واقدمنه هديه

جف الدمع بعيوني -- ولك راب
وعليه لامو اخواني وال اكراب
الي رب يل لمت بيه والكَ راب
فلا انساه اشما سويت بيبييه

- چفي الطعماهم زاد عضوه
ولا ذاك التعب والظيم عضوه
الحگوني اعله النظر عالشوف عالضوء
عميت وفوگ عوسج مشو بييه
العوسج/ هو الشوڪ

ردته ايخف الم روعي بقى الماي
اهيده امن اكتب اشعاري بقلماي
شربت الماي بلكي ابرد بقى الماي
يغلي من لهيب النار بيبيبييه

عطورك من ابوسك واشتم الها
اشتكره روعي منها واشتملها
العواذل حيل اسبها واشتم الها
اذا بهواك اجو لامو عليبيبييه

-اسهامك گبل بالدلال ين فيت
ونفسي ضاگ حد ما صار ينفيت
شنو ذنب الغلب كل يوم ينفيت
ابسبب هجرک يبو اعمال الرديه

ابثغره عطر حط ربك ورش فاه
وانه ال اتمنه ابوسنه وارشفاه
الورد بانواعه يتراکض وره اشفاه
يگلهن ها لعطر - من -- يانويه

سنه تكتل شمس حبكم سنا فاي
وسنه اشگر به الدرب ليكم سنا فاي
اما كلتو ابعهد حبه سنا فاي
طلع شيب ابلحيتي وماكو جيه

زمانی ویاي صایر یشد وایحیل
وعلیه ایحرض - العدوان وایحیل
ابني الشاف حالي وصاح وي حیل
وعساه بنکس واشد - من هالبلیه

- عسى الله اهموم فوگ اهموم لاياب

مورث - بالشته واشلون لاياب

اكله اكر ب عليه - ايكول لا ياب يشوفونك هلي ---
ويكصون بيه

احا يالالي-- القهر -- منجان

كيلو ما طلع -- بالوزن منجان

تذلن ليش ذاك الجان من جان

عزيز وذلتة اهموم الدنيبيبيه --

- احبك من -- تراجيك - لحجلاك

وجوانين الهوه ابغلي لحجلاك

انه امن الليل للغبشه لحج لاك

عسى وبلكت تمر ذكراك بيبييه

الف رحمه اعله روح امك وي اباك

يمن يهواك -- دلالي ---- وياباك

ربي امنين الي حاشك - وياباك

سلوه وفرح عيد ومزهر يبييه

لون ساده تدز واشيوخ مرضاي
لان منك سقامي وسبب مرضاي
ظلام وبس غرامك بيه مر ضاي
حياتي وجاي تطفئ النور اليبسيه

دليلي وياه بالدنيه شب اعناه
على اللي غال بعثوني - شبعناه
الربيه بحضانه - وخبره شبعناه
كبر ونكر ملحها -- ابن الرديه

-ابمطر وابعيم محرب علي وي عاي
وكتي وخط شلل بعضاي وي عاي
ويعني وما شكيت ال بشر ويعاي
بس ل الله. اشتكيه -- الصار بيه

-الچنت احصد واطحن وانعمن لاه
وعليه عيوني يبجن وانعمن لاه
الف مشكور اكله --- وانعم الله
عليك و ع اليزه - اليازيتة اليه

يذني هودن ---- اشويه يذني
چثيره اجروحي- وگامن يذني
غلسي عن حجي الشامت يذني
تراهو ايزيد كومه اجروح بيبيه

يگلبي امنين اجاك العظيم چل باک
وعسی الشامت يشیل اهموم چ الباک
اذا بطل. - نبیح - ونام - چلباک
العدو فرهود راح ایصیح - بییه

اشوكت روعي ابدنيتك يارب الها

راحه ودوم جفني يارب الها

اخوتي اگبال عيني يار ابلها

اتروكوني جن مرض موزين بيه

انا الشامى ونجم يلمع تره اسماي

والعطشان من بحري ترس ماي

صافي وغيم - ما لوث تره اسماي

نقي وخيگان كلها -- اشهود اليه

-امن اذكرنك ابجفني الدمع ياليل

واذا خيمت --- همي ايزيد ياليل

من ظيمي -- اغني ابطور - ياليل

المایدري بطر--- يعتقد بيبيبيبييه

-ياريح التهب ع الولف يالهاب

گله الگلب بيه - چانون يلهاب

صارت لهوته ---- بجفاك يلها

ابصورك يالصرت - مبعد عليه

يدنبه اتخاصمي ويابه فزعلي
اون والميت - ابغيره فز اعلي
اناديهم -- ولا واحد -- فزعلي
اخوتي - وابد - ماحنوش- اليه

يربي اشلون بيه اشلون يشلون
هلي شدو رحال ونوو يشلون
ابجفاهم للدمع بالعين يشلون
وتروح العافيه ويه النظر بيه

عليك احدي واون ابليل وانهار
ودمع العين يجري عيون وانهار
رگد حيلي ابجفاك وهدم وانهار
وبقت يادوب احس نبضات بيه

زنجيل ابوذيہ

ابقفل - احنه - المحبه --- قافلتنه

وعلى الحب -- مشت بينه قافلتنه

اعله هجري اشبيك كلش - قافل اتنه

شجاك اتريد بس تبعد عليه

شجاك انتہ ابعدت عني وظليت

وجنت نايم حدر فيك -- وظليت

تهت بعدك ---- يمحوبي وظليت

ابحيره وكل زماني احتار بيبييه

ابحيره وبنت بالامي وهامي
وضعتك سار بالبيده وهامي
اكلن ها سراب انتة وها ماي
اشوكت تصبح حقيقه ابين اديه

اشوكت تصبح حقيقه انتة والمساك
واشوفك من صباحيتك والمساك
لصوم اسنين انه الجيتك والمساك
واعيد من يهل شخصك عليه

اعيد وافرح والبس ثواباي
واذا مريتني تكسب ثواباي
بعادك للغير لسود ثوى باي
تعال وعيد فاتحتك عليه

سهرت الليل الك و اكتب نصين
وكلهن عن سبب فرگاك نصين
ولك كافي دليلي انجسم نصين
نص يمك ونص ممرود ببيبييه

-روحي حيل بعدك - تلها -- تلها
واهي ابذرك يخيب تلها تلها
اريد اعرف عشرتك -- تلها تلها
ترد لو تگطع - الماصول بيه
النيه صفها وياي من كونك اتريد
لاتبقي تلعب هيج لعب العرايب
-وين الگه شخص فاهم يرحناي
ومن دمعي على اجفوفي يرى حناي
يرحي مو يرح هين ---- يرح ناي
امن اسولف تشم عطر احزان بيه

يوكتي يادقيقه ---- يهل بشراك
خل عكلي واحس العكل بشراك
يربي انه بشر من -- بين بشراك
ارحمي وحط مرادي ابين اديه

يا ربي ليش الروح يكتلها ال ابعاد
ابجاه ابو الحسنين حققلي المراد

انا الفارس لجن وكته- كبا باه
وكب العظيم دلالي ---- كبا باه
گصدت المايجد -- بابن كباياه
الهي ابرحمته ايفك باب الييه
عركته عركة ايهودي وي اسلام
وكتي ولا ضن ايهاذن - ويسلام
كود الله الكلب يبقى - ويسلام
من وكته الهجم - بسيوف اميه

شيجيبه العليه -- ابتعد بل راح
ومن بعده صفغت الراح بالراح
الهي وموش احط اشعير بالراح

اطحن بالذي -- امجلبات بببييه
اطحن ابلب احشاي - موش الهى بشعير
ياوسفه -- تالى ارباي -- ينكرنى ويطير

شطت واكضيت كل العمر بالشيط
وعليه انوب وكتي سيوف بشيط
التعبت اعليه تعبى طاح بالشيط
وردت فارغه من ارباي اديبيه

حبيبك جنت انا وخلق واخي لأك
عليه اهجمت بجيوشك وخيلاك
انا الما جنت اذننك واخيلاك
عدو عغب المحبه اتصير اليه
اليجيك ويگطع - الملكاك في كون
يجي ويصير عن الشمس في كون
يلاهي التگل للشي -- كون فيكون
ابجلالك حظ صبر ايوب—بيبيه

تهت والروح تاهت وين اجدها
ومنو اليفزع عليها -- وينجدها
زينب وين ابوها -- وينه جدها
ردت فزعتهم ايفزعون اليببيه
وكتي ويبي زجر و ابد- يفتيك
وراح الضيم بالدلال ---- يفتيك
يجي البطران وابفتوات يفتيك
هو اشمدرية اشمر من ظيم بيه

حرگني الحب دعاني خفت وارماد
وشوفي انعمه من الدمعات وارماد
عليك وانتہ درت الوجه وره ما

دری الشامت واجاني ایلوم بیه

لوتدري دمعي شلون ظل یجری انهار

والشامت ابفرگاک من الفرخ طار

علی حلوک ومړک قابل آني

لچن گلېک ابقسوه قابلاني

حبيبي ارحم اشويه قابل آني

حجر وانته یدگ فاسک علیه

الوقت آامر عليه ابسجن واحجار
وشيلني حمل طابوگ -- واحجار
تعب كلبي ويجر بالآآه - واح جار
لمن صندوق گلبي --- انفجر بيه
جفیت انتہ وعكس وكتي علي دار
بچیت واوحشت -- بعدك علي دار
وحك ثدي الحنيه - اللي علي دار
دموعي اتگول ----- حالوب الثريه

فراگك شبه منجل نزل وحشاه
ابدليكي وكطعالي الكلب واحشاه
اخلافك يا حبيبي الدار وحشاه
ابرعب وافكار وحشه اتحيط بيه
لا املك ارض -- خضره ولا داب
ولا بوگ المشه ابجسمي ولا داب
انامحافض على اخلاقي والاداب
وحليب امي الطبع كل طيب بيه

صحت اهلا يبعد الروح يسمر
يمن حبك شبه -- بسمار يسمر
يسألوني يمر اعليك؟ yes- مر
لجن من سلمت -- ما رد عليه
بعد شنهى ال يطفى الغلب من شاب
ووكتي وياي طول الوكت منشاب
حولني زمانى وصرت من شاب
الى شايب عمه اىگودون بيه

دموعي تجوي-- خدي من تهلها

عيوني وحزن دايم ما انتها الها

نخيتك ها يحيدر-- منته اهلها

ابجاهك تنجلي اهموم العلييه

القلب حباك وانتة از غير واب لأك

وبدونك ما اطيق العيش وابلاك

وعلي ان ماجيتني اتعناك وابلاك

واجمع اهلك واكلهم خان بيبييه

يضهرك ماتعرفه گمت -- يضحاك

لان ولفك يريد ايروح -- يضحاك

انا المحزن واهو ابسنين يضحاك

اشتأمل يكلبي ايعود اليبيبويه؟

حبك بالغلب ساكن وله باه

وطن وامن الزغر گلبي وله باه

تجازيني ابجر هجره وله باه

وبدال الوفه اتشب نيران بيه

ردت ايليه هم ---- الغلب ماييل
لان حظي وزماني وياي -- ماييل
گمت ابجي لحد مانشف ماي ال
نواظر وانعميت ---- اشلون بيه
تعال وشوف الي دنياي شيبات
شي زجر ابنص الروح شي بات
شباب انترس شعري اعليك شيبات
واحس عمري وصل بجفاك ميه

مدري منين---- اليه -القهر لفاه
زمانى وكمت -- اجر الاله- لف اه
اليعوف اهواه -- كون الكبر لفاه
والف نعله اعله روح اسلاف ابيه
تعبت امن ال احساب اعليك والعيد
وشيرجع- - العمر الفات والعيد
كلت بلكت -- يمر بالعيد والعيد
مر -- وماشفت -- يفلان جيبه

عليه الكلب ااه ايصيح يرد ااح
ومثل ونته الييرها- ابد ير- دوح
جرحني وگام فوگ الجرح يرداح
خسيس واطن راضع كاوليه
يامن كالبدر يضوي ويه لاک
اليشوفك ينمرد کلبه ويهلاک
گوامه اتگاومو اهلي وي اهلاک
وفصل مليون ويزفوک الييه

یوووووووه

دليلي ابنارهم حرگوه ويووه

ولا مره اعتنوه ابشوگ ويووه

يوه اعله الزمان العسر وي يووه

چي بيه الخوي ينكر هوياييه

تهت محد- يعالم ليش سل فاي

ابغرامج يل دلالج حرگ سلفاي

تعالی وخلي ناخذ صور سلفاي

امشابگ يالوصالج شح عليه

ال دليلي علاج مايرهم وطب لاه

اجاه العظيم من ربعه وطب لاه

العادل جاب مزماره وطبلاه

احتفل من بعدو احبابي عليه

رويته دموع عيني ما رواني

وغير- الهم -- احبه ما رواني

لون يلبس - حجابہ المارواني

الارض مثل السراب اتموج بيه

ماروني عنده احباب من يلبسه اتموت

روحي واضل مشنوط لو يمي ايفوت

چنت ظلي و علي شحيت ظلتك
يخايب روح -- چا شتفيد ظلتك
ببتوت الغلب - يفلان --- ظل تك
رچيچ - و اقل عته -- ايطيح بيه
صرت چن حال ساري - وارده وارده
على ال من سيل- دمعي ورده ورده
اهو اعله الشوك - جرنى ورده- ورده
صرتله - و حيل گام ايدوس. - بيبيه

علي خضر عشب واشواك وافطر
واحس شريان قلبي يبس وافطر
صرت امسك انا ابطرواك وافطر
ومثل العيد احس - جيتك عليه
شنو شربك- ولك غلي- وش اكلاك
حبيبي وهيچ صك جسمك وشكلاك
اظن عندك - وراثة انتة- واشك لاك
نسب للهور -وال يوسف- سجيبييه

جنت بطران كلشي املك كلاشي
صرت لوزاد شي عندي كلا. شي
لمن ظليت - بس ثوبي- وكلاشي
يربي - ارجوك مد - يد عون- اليه
دليلي جروح منكم صار بيه كوم
امن احملهن يترسن صدر بيكوم
ازيح الهم قبل يحباب بيكوم
جبل هم ابجفاكم رسه اعلييه

مرني يل ترد الروح مرتك
 حلوتك ماضگت بس ضگت مرتك
 تفوت وما تسلم خاف مرتك
 تشوفك من تجي اتسلم عليه
 اسحگي حيل يادنيه - وروكي
 لمن يتكسرن -- حدرج وروكي
 احاه ابد ما -- صيحن- وروكي (واراويچ)
 اشكتر قوه وصبر واعناد بيبيه

درب دفنچ على اعصابي مشيته
 ودم الدمع من عيني ---- مشيته

شاء الله ما عارض ----- مشيته
لجن وياج رده ----- ايسير بيه
يومية للفتحات انه امشي جناز
احفر واهيل اتراب وادفن بالاعزاز
زود الشوك + الك لتضن - كعيناه
وگام الكلب - ينظرلك ---- كعيناه
اخذ من شوکنا وافحص - كعيناه
ذهب تلگاه --- وما مدغوش ميه

احترگ کلبی و یصیح یوه مایوه
ویحشم بالرفاگه --- وابد مایوه
عاف الشرف وکتی ولبس مایوه

ولعب -- وياي -- لعب - الكاويليه
آنه اسد وايفتحون بيبان الهموم
من ظيمي يمته ارتاح ياربي يايوم

تمر بيه -- بعد - يفلان --- يو لاه
الكلب منكر -- وملج الموت يو لاه
بين اهلي تصوير -- وهلك - يولاه
قضية قتل وايطلبون ديبويه

_

بس غبت عنها الروح وك ماتت ابساع
والدفنو الشمات ساووها بالكاع

الحمل يمك طاح لا تشتمت بيه

مو گالو اعله الضيغ ابن امج انخيه؟؟

حسره امن اجرها اعليك تحرك سما وماي

ريت الله لاينطيك يالناكر ارباي

شدة علگ بيمام شديته كلبى

خافن يرد للخان وي غيري حبي

مثل ود قيس ليلى ودي الها

وشعر واشگد رسائل ودي الها

ودي اتصير اليه - وودي الها

احط كلبى واقدمننه هديه

جف الدمع بعيوني -- ولك راب
وعليه لامو اخواني وال اكراب
الي رب يل لمت بيه والكَ راب
فلا انساه اشما سويت بيبييه
حبله وتجر بثنين والثالث ايلوع
واتگله اردن ليك بس انطر اسبوع

اعلى روهى الله يشهد مع نبىها
احبايه ال راح اذبا معنى بىها
ارىد ادعى ودعوتى معنى بىها
الخذك منى وتركنى ابلا وعىبه
ال يجىكم اجمع اوراقى واجى امعا
واللم كل فرح روهى واجمعا
سعىده ايامكم كلها
وجمعه
جمبله امباركه وطىبه وهنىه

اسهامك گبل بالدلال ين فيت
ونفسي ضاگ حد ما صار ينفيت
شنو ذنب الغلب كل يوم ينفيت
ابسبب هجرک يبو اعمال الرديه

عسى الله اهموم فوگ اهموم لاياب
مورث - بالشته واشلون لاياب
اكله اكر ب عليه - ايكول لا ياب يشوفونك هلي ---
ويكصون بيه

_

احا -- ياليلي -- القهر منجان
كيلو ما طلع -- بالوزن منجان
تذللن ليش ذاك الجان من جان
عزيز وذلتة اهموم الدنييبييه --

كرهت اخوتي امن الخير ل اغمهم
لان زرعوا حدر رجلي لغهم
لو ما خوفتي امن الله لغهم
واغبگهم غبگ بثنين اديه

الابوذيه المولده هي التي تتولد من بيت من الشعر
العربي الفصيح

العيس في الصحراء يقتلها الضمأ

والماء فوق ضهورها محمول

شعر قديم

انا ساعه ابغيا بك ابد محميل

ودمعي اعليك سال اتكول محميل

العيس اعله الضهور الماي محميل

ابصره وهالكه من العطش هيه

ملاحظه //العيس هي الابل

انا الشامي ونجم يلعب تره اسماي
والعطشان -- من - بحري ترس ماي
صافي وغيم - ما لوث تره اسماي
نقي وخيگان كلها -- اشهود اليه
عنك --- ابد مالا هي ----- لهانه
ومحبتك دوم اظل اوفي لهانه
تاليها -- وصلت -- بينه -- لهانه
ترافگ عاذلي واتخون بيبيبييه

دفنت جروح سته --- وستة اعشهن

واجن اربعة انوبه--- --- وستعشهن

سته اكلبي - نامن ---- سته عشهن

بننه ويه اربعة -- وسكنن - الريبيه

فگدك ياعزیز -- الروح خلفاي

ابشمس يل ما غيابك بعد خل فاي

التفت كدام ثم التفت خلفاي

اشوف اكل كتر شمات اليه

جروحك لاتلح عالقلب -- ملحاه
اصيح احاه وجفك يرش ملحاه
حبيبي ارحم دليلي ارجوك ما الحاه
اكتلتني وقسوتك تضحك عليه
حليبة شوگ حبنه شنها شنها
الوكت واعلي حروبه شنها شنها
بعد شامر عليهم شنها شنها
اذا اتمرد زماني وكوه اعليه

جرحني وصحت مالك ولك وي حاه

كلك ما صحه من الحق ويحاه

الي رب اليميت البشر ويحاه

اليجيب ايام بيها اتبوس اديه

لاگاني وخذت منه بستين (بوستين)

ماچني بست خده بست تين

يگلى عبرت اسنينك بستين

گلت بستک ورد عشرين بيه

لا وسفه البدت بهواه لاحيف
يمن صوته حفيف الشجر لاحيف
عمره لا وضع مكياج لا حيف
اهو امن امه طلع مابيه رديه
طول العمر متولع بك آنه
اشعجب اصبح خبر حبنه بكانه
لون تدري اشكتر حبك بكانه
دمع سال ومله الوديان ميه

ياهي عيون عنده ارماح ياسيف
كتلني ولا اجاني ابغدر ياسيف
صرت جني زليخه اعشغت يوسف
تسولف كامت العربان بيه
طر هين ابدليلي وبعد طر هين
امن اول ما ضعونه الولف طرهين
ليالي اجفاك كون الفلك طرهين
عمني وخلن اسويدان بيبويه

وحگ اللي تنخه بيه وانجاه
يونس واطلعه من الحوت وانجاه
دليلي ان وصل لليل وان جاه
تشب ناري وتهيج اجنون بيه
حلو كلش ابطبعي كالتمر لأك
ودمع عيني ابغياك كت مر لأك
امر مشتاک ماني ك التمر لأك
ابشمتاه وجايين ابسوء نيه

وحق رب اللي نزل تاج بلقيس
صرت مجنون حب الترف بل قيس
تعال وشوف من فرگاك بل قيس
اسكتر تارك جفاك اهموم بيه
منو العني بكلام الشين وس لأك
وانا الحبك جتفني ابجل واسلاك
عبالك لو عفتني ارتاح واسلاك
اخلافك وابقى حي اعله الوطيه

تنادي واي شخص بالضيق ما ياك
وانته اعله السراب اجفيت ماياك
يغلبني احذر وحيل اياك ماياك
تثق بالخانو اعهود الخويه
علي يامر عدوي --- وگام ينها
واهو الاثر بروحي -- وزاد ينها
المصايب طبن اعله الروح ينها
ومثل جفتت عدو جفتن عليه

دليلي يافتگ منک --- يطر بيه
وبعد يا نايل الخلگي - يطر بيه
لون اجناح عد گلبي - يطر بيه
يجيك ايشوف شمعتک عليه
حلو و وي الشمس يلمع ويه لاک
اليشوفک ينصرع صددگ ويهلاک
اشيفظ اطلابتي الکشره وي اهلاک
ابعدوک وحر مو شوفک عليه

الوكت وياي ماتم زين تم شين
يدنيه ولشوكت بالعكس تمشين
لياحد يا جفوفي دمع تمشين
امن الخد والفرح ما مر عليه
چنت ظللي و علي شحيت ظلتكى
يخايب روح ---چاشتفيد ظلتكى
ببتوت الغلب يفلان ظل --- تك
رچيچ و اقل عته ايطيح بيبيه

شوف اشدار بيه الوكت وشحاط
وشمخلي اعله ظهري حمل وشحاط
اصيح ابعلو صوتي گمت واشحاط
وولا واحد فز علي وحن علييه
تذكرنه وتعال-----النه فصلنه
والك ثوب الهوى العذري فصلنه
كتلنه اهواك گوم - ادفع فصلنه
وجميع اهل الهوى يردون ديه

روحي ابنار هجره الحلو وجها
ولا مره ذكرها ---- ابشوك وجها
حبيبي چن گمر ---- وينور وجها
امن اشوفه يزول كل همى عليه
الفكر ناقوس ذكراكم--- يرن بيه
وخدي ادموع فرگاكم-- يرن بيه
الليالي شيبين گلبي--- يرن بيبه
اشوكت ارتاح من ظيمي اشويه

عيوني ما وعن -- بحد وعن باك
وكلبي اشتاك لوصالك وعن باك
العوانل فرهدو خوذك وعنباك
وسلالك فارغه --ودوها اليبويه
صرح حبنه انهدم ماضل ولاساف
جرحني ولا اجه - اتعذر ولاساف
طعني لا رمح بيده --- ولا سيف
ابرمش عينه ضكت طعم المنيه

ابتعد ببعادكن صبري وراحاي
وهمومي اطحنن دلالي وراحاي
مات الحب لجن باقي وراه حاي
هضمتي وفرحة الشمات بببييه
يما ناظر--- دليلي -- ياما --- تانه
اشوكت انعم ابوصلك يا متي انه
تگول اشمتن. ----- حبه يا متانه
اذا ابجلمة شقه تزعل-- عليبييه

يربعي ويا هلي --- كلهم يناسي
يشوغي وسلوة همومي يناسي
اجيت؟ اشذكرك بينه يناسي
بعد ما طول اغياك علييبيه
افرح وانتعش واضحك من اشفاك
وعسى ماينگطع شفي من اشفاك
اشحلاها الضحكه -- من تطلع من اشفاك
ترد روعي وشبابي ---- ايعود اليه

مساجله بيني وبين الاخ الشاعر المبدع جهاد كاظم الغزي

جهاد.

جنت ملكة روعي---- ما تملها

وروعي من وصالك مات املها

ماتت گوم وانصب -- ماتم الها

ابغياك يالكطعت الوصل ببيه

انا.

ابھوانا ويام وسفه --- ما تملنه

وفرچ وياك لحضه -- ماتم انه

اكتلتنه كوم وانصب ماتم انه

وشيل اذنوبنه -- وكل الخطيه

انا

يبو محمد وصالك ---- ما ملتيه

وجدمي الغير شخصك ماملتيه

غير الحب السخصك ما ملتته

دليلي وظل وفي الهاي الخويه

جهاد

جوادي ليك -- اطلگنه واغيره

واعرفك صاحب مروه واغيره

شخصك ما --- ابدلنه واغيره

لما اتراب اللحد ينهال اليبيه

انا

الوقت ما بدل اطباعك وغيراك
وبقيت ابنخوتك ذيجه وغيراك
صديجي ولا امل منك واغيراك
ولا غيرك عضيد ايصير اليببويه

اخوك احزام ظهرك لاتهمله
ودمع عينك الغيره لاتهمله
الواشي لو حچالك لا تهم له
لان كصده كطع جبل الخويه

انا

العشره وياك حلوه مانملها

ابغياك جفن عيني مانملها

ما نمام روعي --- مانم الها

وبقت للموت بودادك وفيه

اسنين العمر تركض --- ملحك الها

وصفت صدمات روعي ملحك الها

عليش اتلوم بيها ---- ما الحك الها

سبگها الوكت ---- والشامت سويه

انا

تعال احسب دليلي جروح بي كم

حزين وجنت اسلي الروح بيكم

عليه اهموم صدكو حمل بيكم

تعالو وخففو هموم العليبييه

علي يبني زماني --- شرك ويحيط

ويجيب اهموم فوگ اهموم ويحيط

راح الجان تجوه وسند وي حيط

عليه انتجي --- امن اتميل الدنيه

*****لي

ضعت ويه جليل -- الذات يرباي
كتلني وراح --- عالعاكول يرباي
الينظر علي كومه- جروح يرباي
ويرى حلوك الشماته اتلوچ بيه

***** لي

عليكم احرگ أنه الروح واصلي
يامن كطعيتو --- وياي وصلي
محب انه قديم وزين واصلي
ابد لا غش ولا تزوير بيبييه

انا امسودن واصيحن هاه وي هاه
اليراني ابساع عني ايدير ويهاه
فگدهم نار ----- بالدلال ويهاه
تظل تسعر لما ايعودون الييبيه

ركضت ابعيشتي ال آخر يهد لاي
اشوكت باب الرزق - ربي يهد لاي
عصني العوز مايرضه ---- يهد لاي
لحد ما طگن الشيبات بيبييه

الدارميات

يتلوح الدلال لمن خوه وطاح
من غيبتك يفلان حتى النظر راح

بعيوني من اجفاك صارت غشاوه
وابشوفتك يفلان بلجي ايتشاوه

اهمومي من فركاك حاطني حوطه
حتى استكان الجاي بالگوه اخوطه

رمضان اجانه وراح باجر يجي العيد

جا يمته بين الناي توفي الماعيد

كل ما اكل انزال هم ال على الروح

يجرحني سيف اجفاگ

واتناكث اجروح

راحت يخى وياك ضحكت شفافي

والجفن ظل سهران مالحظه غافي

اي وحك كلمن صام وادده العباده

وضعي بسبب فركاك كلش تراده

اسال شهر رمضان ويخبرك بهاي
من افطر بطاريك ما أشرب الماي

كل ما اكل انزال هم ال على الروح
يجرحني سيف اجفاك
واتناكث اجروح

راحت يخي وياك ضحكت شفافي
والجفن ظل سهران مالحظه غافي

ماگلي وک آخ

ابنگره - وحفرت انوب - بير ابجنبها

لو ما نست - طرواك - روي - ارد اذبها

اوووووو امداهالروح تركض وره الناس

الماقدروا فد يوم للحبهم احساس

لومر عليه ايصيح حيل وبعد حيل

جازاني هيچ الجان اسهرله بالليل

گلوله اخوي العاف لبن امي ونام

كلش صفن وياي غبرات الايام

وي النفس موجود بيه رايع وراد
رد ليه فدوه ارجوك كافي امن الابعاد

عبدالرحمن الريساوي غال

طباني مو مكتوب من عدها چيله.
مصوب گمت والشوگ کام اعله حيله.

فاجبته

**

-طباني مو مكتوب طباني احزام

ناسف خلط من ثار لحمي ويه الاعضام

يابويه لو الغاك يا عاذل الشوم

ابحسرة دليلي اچويك وابنار ال اهموم

اووف وثلث حسرات وياهن احاه

من وكتي چي حط نار والغلبي چوواه

آنه اسد وايفتحون بيبان الهموم
من ظيمي يمته ارتاح ياربي يايوم

اتضاهر انه اعليك واعتصم بالباب
واطلب فصل واعفاء منك يجذاب

ريتك قلم يهواي بيك اكتب اشعار
ياوزن اكتب بيك هيچ ابقى مختار

احركها روعي اعليك وارد احرك البيت
وانتحر بالعباس لوما علي جيت

طگ راسي شيب ابساع وانه ابشبابي

والكلب منخل صار واصبح يبابي

منك لفاني الشيب مو عمري اجبير

يوسف صرت واخوان ذبوني بالبير

ليش اهلي مايرضون عيشي ابسعاده

هم يرضى الله ابهاي تقبل عباده

السيرة الذاتية للشاعر عبد راضى الشامى



انا الشاعر عبد راضي رهم سلمان الشامي تولد
1953 العراق الناصريه درست الابتدائه والمتوسطه
والاعداديه في محافظة الناصريه كتبت الشعر منذ
صغري اول هويه احصل عليها من جمعية الشعراء
الشعبيين عام 1982. شاركت في معظم المهرجانات
الشعريه القطريه والمحليه وشاركت في كثير من
المسابقات في القنوات الفضائيه العراقيه اشتركت في
مسابقة شاعر النيل والفرات في جمهوريه مصر
العربيه وحصلت على تكريم من قبل مسابقة شاعر /
أديب النيل والفرات على لقب الشخصيه الثقافيه لعام
2018 وحصلت على تخفيض لطبع دواويني القادمه
بنسبة 15% طول العمر وبذلك اوجه شكري
واحترامي للقائمين على هذه المسابقه وبالاخص
الاستاذ والشاعر الكبير ناجي عبد المنعم رئيس
مجلس إدارة دار النيل والفرات للنشر والتوزيع

محتوى الكتاب

2	بطاقة الكتاب
3	إهداء
4	المقدمة
6	للوطن
19	للحب
22	سعد
35	الأبوذيات
60	ملاحظة
89	زنجيل أبوذية
107	يووووووووووه
145	الدارميات
154	السيرة الذاتية
156	محتوى الكتاب